

Tin cu sacrifica uno pa scapa e chubatonan

Cabez di Marco Marlin ta riba bloki

ORANJESTAD (AAN) Rumornan ta core den seno politico cu den henter e escandalo di e muhernan Dominicana cu a haci denuncia contra ministro Rudy Croes y Marco Marlin, ta Marco Marlin lo bay ta esun cu lo bay carga culpa y paga tur esnan cu tambe lo tabata involvi den un ke otro cu e damanan ta acusa nan di dje.

Te cu ayera ningun otro hende involvi a sali pa dilanti y contradeci loke e tres muhernan Dominicana a denuncia, siendo cu nomber di varios funcionario di gobierno a worde menciona door di e Dominicananan.

Number di 2 otro persona a worde menciona como esnan cu tabata forma parti di e grupo cu a bay Republica Dominicana pa busca e tres y aparentemente te hasta 4 of 5 muher Dominicana pa bin campaña pa Rudy Croes y despues a worde intimida y poni bao di presion pa tene relacion sexual cu sea uno of mas campañador di Rudy Croes ministro di husticia.

Ministro Rudy Croes a trata na laba man y esaki tur hende por a ripara di loke a sali pa dilanti na informacionnan cuestionable duna door di su persona durante e conferencia di prensa cu ministro Rudy Croes a tene relaciona cu e acusacionnan haci den su direccion y tambe den direccion di Marco Marlin campañador di ministro Rudy Croes den San Nicolas y vecindario.

E forma con ministry Rudy Croes a papia di Marco Marlin tabata duna tur indicacion for di e prome instancia cu reaccionnan a bin riba e caso ta, cu Marco Marlin lo bay ta esun cu mester bay wanta e

consecuencianan di loke a tuma lugar cu e tres Dominicananan.

Den seno politico awor ta circula rumornan cu Marco Marlin lo bay ta esun cu lo tin

cu carga cacho pa henter e escandalo di intimidacion sexual contra e grupo di Dominicananan.

Si esaki ta e caso anto Marco Marlin lo bay ta e

cabay cu lo bay worde sacrifica pa scapa e otro chubatonan y ey ta caminda cu e rabo di porco lo por bay krul anto mahos; keda pendiente.

Gobernacion di bagamunderia

Den cua departamento a haya wc geplok cu condon?

ORANJESTAD (AAN) Kico ta pasando cu pais Aruba unda tin tanto asuntunan hopi cuestionable a bin ta tumando lugar durante ultimo 4 aña di gobernacion?

Esaki ta pregunta cu cualkier hende drechi cu sano huicio lo haci awe ora nan haya di tende cu tin un caso hopi delicado di un banda y di otro banda e ta algo hopi bergonzoso pa esnan cu tabata responsabel pa e maneho na dicho ministerio.

Informacionnan cu redaccion a haya ta indica cu na un departamento cu ta cay bao di Ministerio di Husticia actonan hopi dudoso a tuma lugar algun tempo pasa pasobra tuberia di wc tabata geplok y ora cu esakinan mester a worde drecha, esnan cu a bay haci e trabao di mantencion no por a kere nan wowonan ora nan a wak kico a worde saca di wc nan cu tabata geplok.

Un bulto di condom pega riba y den otro a worde haya den tuberia di wc di un

departamento di Ministerio di Husticia y lo ta trata di un departamento unda tabata detene muhernan extranhero ilegal cu a worde gara door di funcionarionan cu ta cay bao di Ministerio di husticia.


No ta trata di condom den paki sera y tampoco di condom cu tabata worde uza pa transporta bolita pasobra unda e wc nan a plok no tabata tene hende deteni pa traficacion di droga pero tabata trata di muhernan ilegal gara.

Durante dianan venidero e asunto aki lo mester bay

worde aclarea pasobra no por ta asina cu ta haya tuberia di wc geplok cu condom na un departamento cu ta cay bao di ministerio di husticia; esaki ta inacceptable y ta dificil pa hustifica bao di cualkier argumento pasobra ki mishi bulto di condom uza pega den tuberia di wc na dicho departamento unda tabata tin muhernan ilegal deteni?

Cualquier hende cu dos placa di sinti lo por saca su conclusion cu ta bagamunderia formal lo tabata tuma lugar na dicho departamento.

GOBIERNO SO KIER BIBA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Juicer

Afl. 45,=

Awor Afl. 35,=

